

نشطاء يسخرون من قرار حكومة الببلاوي بإدراج الاخوان على قائمة الإرهاب



الأربعاء 25 ديسمبر 2013 12:12 م

كتب - أحمد شعبان :

سخر نشطاء على مواقع التواصل الاجتماعي من قرار حكومة الانقلاب بوضع جماعة الإخوان المسلمين على قوائم الإرهاب

وكتب أحد نشطاء بموقع "فيسبوك" معلقا على القرار: اسكت مش الحكومة أعلنت ان الاخوان جماعة ارهابية !!
= يا راجل !! .. طب ويعدين هيعملوا ايه ؟ .. هيعتقلوا قادتهم ؟
- ما هما معتقلينهم من زماان ياعم .. انت نايم والا ايه ؟
= طيب هيصادروا فلوسهم ويأمموا مؤسساتهم ؟
- صادروها وأمموها من زمان برضو .
= طيب هيبداوا يقبضوا عليهم ويعتقلوا منهم بالآلاف ؟
- يا عم ده السجون والمعتقلات مليانة ده حتى الحريم بيعتقلوها !!
= الله ؟؟ .. أومال فاضل ايه ماعملهوش وهيعملوه ؟
-مش عارف الصراحة .
طيب يا راجل كبر مخك .. خليههم يتسلوا

وقال آخر في بعض أبيات من الزجل:
اخواني .. إرهابي خطير ..
يتمني للناس كل خير ..
ينزل ف عز البرد يخدم ناس كتير ..
علي ظهره شال أنابيب ووزع عيش وطبطب ع الفقير !
بيعلم الاطفال تصلي وتقرأ قرآن ربنا ..
يحكيلهم اللي حكاه التاريخ انجازاتنا ومجدنا ..
يزرع في قلب الطفل حب الدين وحب الصالحين ..
وبربي جيل كل اللي يتمناه يكون في الجنه جار صادق أمين ..
لو هو ده الارهاب يا خلق يا هوه ..
بيقي اكتبوا علي تربتي اخواني ارهابي ...

وكتب ثالث يقول: إخواني وافخر .. تدرجني على قائمة الإرهاب على قائمة الهباب .. كان غيرك اشطر .. هيروح السيسي والبلاوي وكل اللي معاهم وهتفضل مصر .. وهيبقى الاخوان فيها رغم عن انوف الجميع .. طظ فيك يا بلاوي".

فيما تناول العديد من النشطاء نفس هذه المعاني مؤكدا ان القرار لن يثنيهم عن المضي قدما في تحرير وطنهم من عملاء الغرب المتواجدين بالجيش والشرطة وكل المؤسسات، وانهاء الانقلاب الدموي الغاشم